

Na sesión celebrada na data que se indica, adoptouse o seguinte

ACORDO:

Na cidade de Ourense, a dezaioito de decembro de dous mil dous,

Visto o expediente de clasificación do monte como veciñal en man común coa denominación de *Comunal de Casardomato*, por solicitude dos veciños da parroquia de Santa Cruz de Arrabaldo, do Concello de Ourense (Ourense).

Resultando que con data 10 de xullo de 1998 tivo entrada, no rexistro da Delegación provincial da Consellería de Medio Ambiente en Ourense, escrito dirixido ó Xurado Provincial de Montes Veciñais en Man Común asinado polos veciños do lugar da parroquia de Santa Cruz de Arrabaldo, Concello de Ourense (Ourense), solicitando se declare o monte “Comunal de Couto e Casardomato” como veciñal en man común.

Resultando que tralo informe do Servicio de Montes e Industrias Forestas o Xurado Provincial en sesión de data 15 de decembro de 1999 acorda deixar en suspenso o inicio da clasificación en espera da correspondente aclaración por parte dos promotores sobre a existencia de dous montes e a pertenza a dúas comunidades diferentes.

Resultando que o Xurado Provincial en sesión celebrada en data 26 de setembro de 2001, acordou tomar en consideración o citado escrito e inicia-la tramitación, por separado do expediente de clasificación, do monte de Casardomato a favor dos veciños dos lugares de Casar do Mato, Os Beleiros, A Golpilleira e O Palleiro, designando instructores do mesmo a Miguel Ángel González Trigás e Miriam Areal López, que aceptaron tal cargo, librándose mandamento para a anotación preventiva no Rexistro da Propiedade número dous de Ourense e remitíndose comunicacións dirixidas ós veciños do lugar de Santa Cruz , ó presidente da Deputación Provincial de Ourense, ó alcalde do Concello de Ourense, á Delegación provincial da Consellería de Política Territorial, Obras Públicas e Vivenda, á Xerencia Territorial do Catastro, ó Servicio de Montes e Industrias Forestais (Consellería de Medio Ambiente), e á Delegación Provincial da Consellería de Agricultura, Gandería e Política Agroalimentaria, publicándose edictos no taboleiro de anuncios do Concello de Ourense, durante o prazo dun mes segundo consta en dilixencia estendida ó dorso do edicto polo secretario do citado concello e no Diario Oficial de Galicia, para que durante o prazo sinalado en edictos os interesados puidesen comparecer ou intervir nel, en defensa dos seus dereitos.

Con data 7 de maio de 2002 consta presentada alegación en canto as extremas do monte do seguinte xeito: Norte. Propiedades particulares de Bernardino Vázquez, Benito Conde, Laureano Pérez, José Doval, Carmen Quiroga, e Bernardino

Vázquez; Sur: propiedades particulares de Laureano Pérez, e Antonio García; Leste: canle de rego O Rego; Oeste: concello de Punxín

Resultando que a anotación preventiva de iniciación do expediente, se practicou no Rexistro da Propiedade número dous de Ourense, como segue:

Tomo 1.546, Libro 347, do concello de Ourensse, Folio 169, Finca rexistral nº 26.466 Anotación letra A.

Resultando que na tramitación do expediente cumpríronse tódalas formalidades legais.

Considerando que o Xurado Provincial de Montes Veciñais en Man Común, ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.

Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;

- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable; e
- 5) Que a comunidade é indivisible, non podendo os comunciros pedi-la "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños dos lugares de Casar do Mato, Os Beleiros, A Golpilleira, O Palleiro, no Concello de Ourense.

Os datos do citado monte son os que se referencian na parte dispositiva deste acordo.

Considerando que das informacións recollidas resulta que os veciños dos lugares de Casar do Mato, Os Beleiros, A Golpilleira e O Palleiro, están conformes coa clasificación do citado monte como veciñal en man común.

Considerando que a teor do disposto na Lei de montes veciñais en man común, o expediente de clasificación se iniciou por acordo do xurado, por instancia dos veciños da

parroquia de Santa Cruz, para que este xurado puidese acorda-la iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento, o Decreto 260/1992, do 4 de setembro , así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Montes Veciñais en Man Común, á vista dos antecedentes e fundamentos expostos e por unanimidade dos seus membros:

A C O R D A:

Primeiro. - Clasifica- lo monte coa denominación de *Comunal de Casardomato*, de 4 ha 02 a, aproximadamente en conxunto de superficie a favor dos veciños dos lugares de Casar do Mato, Os Beleiros, A Golpilleira e O Palleiro, parroquia de Arrabaldo (Santa Cruz), no Concello de Ourense (Ourense) , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Ourense

Denominación do monte: Comunal de Casardomato

Comunidade propietaria: veciños dos lugares de Casar do Mato, Os Beleiros, A Golpilleira, O Palleiro (da parroquia de Arrabaldo – Santa Cruz-)

Superficie: 4 ha 02 a, aproximadamente

Estremas:

Norte. Propiedades particulares: Bernardino Vázquez, Benito Conde, Laureano Pérez, José Doval, Carmen Quiroga, Bernardino Vázquez

Sur: propiedades particulares: Laureano Pérez, Antonio García

Leste: canle de rego O Rego

Oeste: concello de Punxín

Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifiquese esta resolución ó alcalde-presidente do Concello de Ourense, ós representantes da comunidade veciñal, ó Servicio de Montes e Industrias Forestais (Consellería de Medio Ambiente), ós que se lles fará saber que esta resolución, que pon

fin á vía administrativa, pode ser obxecto de recurso de reposición potestativo perante o urado Provincial de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administración públicas e do procedemento administrativo común e artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.)



